



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADSKO VIJEĆE**

Broj: 01-GV-02-837/24  
Sarajevo, 19.06.2024. godine

Na osnovu člana 31. stav (1) tačka b) i člana 77. stav (1) Statuta Grada Sarajeva („Službene novine Kantona Sarajevo”, broj 7/23), Gradsko vijeće Grada Sarajeva na 41. sjednici održanoj dana 19.06.2024. godine, usvojilo je

Izveštaj o realizaciji Programa manifestacije obilježavanja 6. aprila – Dana grada Sarajeva u 2024. godini.

*PREDSJEDAVALJUĆI GRADSKOG VIJEĆA*

*Jasmin Ademović, s.r.*

**Adresa:** Hamdije Kreševljakovića 3  
71 000 Sarajevo  
**Tel.:** +387 33 216 659  
**Fax:** +387 33 205 874  
**Email:** [gsgv@sarajevo.ba](mailto:gsgv@sarajevo.ba)  
**Web:** [gradskovijece.sarajevo.ba](http://gradskovijece.sarajevo.ba)





**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADONAČELNICA**

**IZVJEŠTAJ**  
**O REALIZACIJI PROGRAMA MANIFESTACIJE OBILJEŽAVANJA**  
**6. APRILA – DANA GRADA SARAJEVA U 2024. GODINI**

**Sarajevo, juni 2024. godine**

**Adresa:** Hamdije Kreševljakovića 3  
71 000 Sarajevo  
**Tel.:** +387 33 407 443  
**Fax:** +387 33 208 341  
**Email:** grad@sarajevo.ba  
**Web:** www.sarajevo.ba



## Izveštaj o realizaciji Programa manifestacije obilježavanja 6. aprila – Dana grada Sarajeva u 2024. godini

### UVOD

Izveštaj je pripremljen u skladu sa Programom rada Gradskog vijeća Grada Sarajeva za 2024. godinu i ima za cilj informisanje o realizaciji Programa manifestacije obilježavanja 6. aprila – Dana grada Sarajeva u 2024. godini. Gradsko vijeće Grada Sarajeva je, na 34. sjednici održanoj dana 27.12.2023. godine, usvojilo Odluku o davanju saglasnosti na Program obilježavanja 6. aprila – Dana grada Sarajeva u 2024. godini, broj 01-GV-02-2004/23. kojim je planirano održavanje kulturnih i sportskih manifestacija, Svečana sjednica Gradskog vijeća Grada Sarajeva, dječji program, program na otvorenom, polaganje cvijeća i odavanje počasti na spomen-obilježja u gradu Sarajevu. U nastavku slijedi detaljan Izveštaj o realizaciji Programa manifestacije obilježavanja 6. aprila – Dana grada Sarajeva u 2024. godini.

### ODAVANJE POČASTI I POLAGANJE CVIJEĆA

Delegacija Grada Sarajeva – gradski vijećnici predvođeni gradonačelnicom prof. dr. Benjaminom Karić i predsjedavajućim Gradskog vijeća Grada Sarajeva Jasminom Ademovićem, zajedno sa predstavnicima drugih nivoa vlasti, položila je cvijeće na spomen-obilježja grada Sarajeva i odala počast poginulim braniteljima grada i žrtvama fašizma u povodu 6. aprila – Dana grada Sarajeva prema ranije utvrđenom protokolu:

#### 06.04.2024. Dan grada Sarajeva

09:00	Spomen-obilježje „Vječna vatra“
09:30	Šehidsko mezarje „Kovači“ - Mezar Prvog predsjednika RBiH, Alije Izetbegovića
10:00	Spomen-obilježje ubijenoj djeci opkoljenog Sarajeva 92.- 95. Spomen-obilježje ubijenim policajcima u Velikom parku (11 mezara)
10:30	Spomen park „Vraca“
11:00	Gradska groblja: Lav, Sv. Josip, Sv. Marko i Mezarje Stadion (Koševo)
11:30	Bista Vladimir Perić-Valter
12:00	Staro Židovsko groblje

### KULTURNE MANIFESTACIJE

#### ŠESTOAPRILSKA IZLOŽBA „COLLEGIUM ARTISTICUM“

Šestoaprilska izložba Collegium Artisticum otvorena je 05.04.2024. godine u galeriji Collegium artisticum u Centru Skenderija. Organizatori ovogodišnje izložbe bili su Asocijacija arhitekata u BiH i Udruženje likovnih umjetnika Bosne i Hercegovine, uz Udruženje likovnih umjetnika primijenjenih umjetnosti i dizajnera (ULUPUuBiH) i JU Collegium artisticum. Ova kolektivna izlaganja posvećena Danu grada Sarajeva imaju tradiciju koja traje od 1975. godine kada je izložbom „COLLEGIUM ARTISTICUM 1975“ otvoren sadašnji izložbeni prostor istoimene galerije. Izložba COLLEGIUM ARTISTICUM, vezana za značajan datum iz historije Sarajeva, ima neosporan dignitet kao manifestacija od posebnog interesa za Grad,

a kroz svoju dugogodišnju tradiciju njeguje zajedništvo i čuva sjećanje na progresivni intelektualni i umjetnički pokret koji je obilježio kulturni život naše sredine krajem četvrte decenije XX stoljeća. Svake godine u aprilu publika ima jedinstvenu priliku da u prostoru galerije Collegium artisticum pogleda izložbu koja obuhvata širok dijapazon stvaralačkih promišljanja, istraživanja, stremljenja i dostignuća u sferama likovne i primijenjene umjetnosti, dizajna i arhitekture, djela iz oblasti grafičkog, produkt i modnog dizajna, scenografije, kostimografije, umjetničke fotografije, enterijera, keramike, ilustracije, umjetničke obrade metala, tekstila i drugih materijala, djela iz oblasti crteža, slikarstva, skulpture, grafike, instalacije, performansa, video umjetnosti...

Na ovogodišnjoj izložbi, 45. po redu, bilo je predstavljeno više od dvije stotine radova bosanskohercegovačkih umjetnika, dizajnera i arhitekata, dok su na otvorenju izložbe bile dodijeljene nagrade i priznanja za najbolja ostvarenja prema odlukama stručnih komisija udruženja. Izložba je bila otvorena za posjete do 23. aprila 2024. godine, od ponedjeljka do petka u terminu od 10:00 do 18:00 sati

### **PANEL DISKUSIJA „SARAJEVO U PRIJELOMNIM GODINAMA 20. STOLJEĆA”**

Udruženje za modernu historiju je 4. aprila organiziralo panel „Sarajevo u prijelomnim godinama 20. stoljeća“. U panelu su učestvovali Husnija Kamberović, Edin Radušić, Enes S. Omerović, Minela Radušić, Vera Katz, Merisa Karović-Babić, Edin Omerčić i Aida Ličina-Ramić. Akcenat u diskusiji je bio na aprilskim događajima u 20. stoljeću (1941., 1945., 1992. i 1996.), ali je ukazano i na važnost događaja u Sarajevu 1878., 1918. i posebno 1984. godine. Vremenski okvir diskusije bio je Berlinski kongres na kojem su velike sile odlučivale o statusu Bosne i Hercegovine, te Dejtonski sporazum, na kojem su velike sile ponovno krojile sudbinu ove zemlje. Panelisti su ukazali na dešavanja u Sarajevu u ključnim razdobljima sarajevske historije, od 1878. godine kada je grad pružio snažan otpor ulasku habsburških trupa, preko transfera vlasti na jugoslovenske institucije 1918. godine, bombardiranja 1941. godine, do oslobođenja grada 6. aprila 1945. godine. Drugi dio panela bio je posvećen ključnim događajima razvoja grada u doba socijalizma, naročito događajima u vezi s aprilom 1992. godine kada je grad stavljen pod opsadu, do oslobođenja grada i definitivne deblokade na proljeće 1996. godine.

Opći zaključak diskusije bio je da je Sarajevo u svim prijelomnim događajima, iako izloženo teškim razaranjima i izazovima, znalo izabrati pravu stranu i organizirati obranu vlastitih vrijednosti zajedničkog života. Panelu su prisustvovali studenti Filozofskog fakulteta Univerziteta u Sarajevu, uz profesore i dio šire javnosti.

### **IZLOŽBA „POSILIJE OSLOBOĐENJA – ŠESTOAPRILSKA NAGRADA U ZBIRKAMA MUZEJA KNJIŽEVNOSTI I POZORIŠNE UMJETNOSTI BIH“**

Izložbu je producirao Muzej književnosti i pozorišne umjetnosti BiH, a u okviru iste predstavljani su svi dobitnici Šestoaprilske nagrade koji se čuvaju u zbirka Muzeja. Autorica izložbe bila je muzejska savjetnica Amina Abdičević, dok je dizajn radio Branko Dursum.

Izložba se sastoji od 30 panoa sa dokumentima, fotografijama i imala je historijsko-edukativni karakter, a predstavljani su dobitnici Šestoaprilske nagrade čije zbirke se čuvaju u Muzeju kao što su: Razija Handžić, Meša Selimović, Mak Dizdar, Izet Sarajlić, Reihan Demirdžić, Midhat Begić, Jolanda Đačić, Ahmet Hromadžić, Josip Lešić, Milan Mučibabić, Safet Pašalić, Derviš Sušić, Alija Isaković, Zdravko Grebo, Ibrahim Spahić i dr.

Na panoima su legende na bosanskom i engleskom jeziku, a izložba je obogaćena i 3D eksponatima u vitrinama. Izložbu je pratila i istoimena publikacija na bosanskom i engleskom jeziku. Izložba je otvorena 6. aprila, a pored predstavnika Grada Sarajeva i delegacija gostiju Grada iz drugih zemalja, prisustvovali su joj brojni posjetioци, turisti i predstavnici medija. Izložbu je otvorila zamjenica gradonačelnice Anja Margetić Stakić. Izložba je trajala do 19. aprila i bila je veoma posjećena. U projektu su učestvovali kustosi Muzeja te volonteri Filozofskog fakulteta Univerziteta u Sarajevu.

## **SPORTSKE MANIFESTACIJE**

**MEĐUNARODNI KUGLAČKI TURNIR ZA SLIJEPE „SARAJEVO 2024“** Termin: 05.-06.04.2024. godine. Mjesto održavanja: Kuglana „Zetra“. Organizator: Sportsko društvo slijepih i slabovidnih KS. Povodom 6. aprila – Dana grada Sarajeva, u kuglani „Zetra“, održan je 15. Međunarodni kuglački turnir za slijepe „Sarajevo 2024“. Na turniru je nastupilo 63 kuglaša i kuglašica iz 14 ekipa. Ekipno prvo mjesto osvojila je ekipa MDSS Kranj Slovenija, drugo mjesto ekipa ŠUS Svjetlost Osijek Hrvatska, treće mjesto SKS Zagreb Hrvatska. U pojedinačnoj konkurenciji bilo je sedam kategorija, četiri muške i tri ženske kategorije. U kategoriji B1 muškarci prvo mjesto osvojio je Silak Atila iz Novog Sada, u kategoriji B2 najbolji je bio Ivica Ferenčić iz Koprivnice, u kategoriji B3 pobjednik je Duško Božić iz Osijeka, a u kategoriji B4 pobjednik je Željko Lončar iz Požege. U konkurenciji žena u kategoriji B1 najbolja je bila Ivana Bojić iz Sarajeva, u kategoriji B2 pobjednica je Nermina Mehulić iz Zagreba, dok je u kategoriji B3 pobjednica Željka Peška iz Požege.

**MEĐUNARODNI KOŠARKAŠKI TURNIR** Termin: 05.-07.04.2024. godine. Mjesto održavanja: Centar Skenderija. Organizator: Košarkaški klub „Koš“. Na ovogodišnjem turniru nastupilo je 16 ekipa iz pet zemalja u kategoriji pionira. Najuspješnija je bila ekipa KK „Budućnost“ iz Podgorice. Drugo mjesto je osvojila ekipa KK „Cedevita“ junior iz Ljubljane, a treće ekipa KK „Dražen Petrović“ iz Šibenika. Turnir je svečano otvorio predsjedavajući Gradskog vijeća Grada Sarajeva Jasmin Ademović.

**TURNIR U STRELJAŠTVU ZA OSOBE SA INVALIDITETOM** Termin: 06.04.2024. godine. Mjesto održavanja: Dvorana Goran Čengić – Streljana. Organizator: Streljački savez invalidnih lica FBiH. U povodu 6. aprila – Dana grada Sarajeva, a u organizaciji Streljačkog saveza osoba sa invaliditetom Federacije Bosne i Hercegovine održan je 21. Tradicionalni Šestoaprilski turnir u streljaštvu za osobe sa invaliditetom. Učestvovalo je 11 muških ekipa i četiri ženske ekipe sa preko 50 takmičara. Prema propozicijama takmičenje je bilo u ekipnoj i pojedinačnoj konkurenciji, a prema klasifikacijskim grupama. U ekipnom plasmanu prvo mjesto osvojila je ekipa SKOSI XP Žepče sa 532 kruga, drugo mjesto pripalo je SKOSI Novi Grad Sarajevo sa 518 krugova, a treće SKOSI Zenica sa 494 kruga. Zlatne medalje po klasifikacijama invalidnosti osvojili su Fikret Smajlović, Edib Šahman i Šaban Fatić. U ekipnoj konkurenciji kod žena ekipa SKOSI Živinice osvojila je prvo mjesto sa 320 krugova, drugo mjesto osvojila je ekipa SKOSI Zenica 278 krugova, a treće mjesto pripalo je ekipi SKOSI XP Žepče sa 181 krugom. Zlatne medalje po klasifikacijama invalidnosti osvojile su Hasna Hamzić, Sanela Redić i Mirela Ramić.

**MEĐUNARODNI HRVAČKI TURNIR „KUP GRADA SARAJEVA 2024“** Termin: 05.-06.04.2024. godine. Mjesto održavanja: Olimpijska dvorana ZETRA Juan Antonio Samaranch. Organizator: Hrvачki klub „Bosna“. Na ovogodišnjem turniru učešće je uzelo oko 150 takmičara iz 17 klubova i 8 država. Takmičenje je održano po pravilima svjetske hrvačke

federacije u fair play atmosferi. Sveukupni pobjednik za sve uzrasne kategorije je Hrvачki klub „Bosna” Sarajevo.

Takmičenje je otvorio predsjedavajući Gradskog vijeća Jasmin Ademović.

**MEĐUNARODNI ŠESTOAPRILSKI TURNIR U STRELJAŠTVU** Termin: 05.-07.04.2024. godine. Mjesto održavanja: Streljana „Zetra“. Organizator: Streljački klub „Sarajevo“. Na ovogodišnjem takmičenju nastupio je rekordan broj takmičara u seniorskoj konkurenciji. Došli su najbolji takmičari 33 ekipe iz trinaest zemalja: Slovenije, Hrvatske, Crne Gore, Srbije, Sjeverne Makedonije, Mađarske, Češke Republike, Francuske, Poljske, Velike Britanije, Turske, Moldavije i Bosne i Hercegovine. Prvog dana takmičenja na programu su bila takmičenja u ekipnoj i pojedinačnoj konkurenciji u gađanju zračnim oružjem. U ekipnom plasmanu u disciplini puška muškarci najuspješniji su bili takmičari SD Trzin SLO koji su slavili ispred domaćina SK Sarajevo, dok je češka ekipa CZ Plzen bila treća. Pojedinačno prvo mjesto je osvoji Slovenac Maksimilijan Žarić. U konkurenciji žene puška najuspješnije su bile domaće takmičarke SK Sarajevo koje su obranile prvo mjesto osvojeno posljednje dvije godine. Drugo i treće mjesto osvojile su ekipe iz Slovenije SD Grosuplje i SD i Pohorski bataljon Ruše. Pojedinačno prvo mjesto, uz novi državni rekord, osvojila je Farah Oneščuk SK Sarajevo, drugo mjesto pripalo je Niki Skubić iz Slovenije, a treće Aji Basarić SK Sarajevo. U muškoj konkurenciji pištoljem najuspješnija je bila reprezentacija Moldavije ispred reprezentacije Srbije. Domaći takmičari SK Sarajevo su u veoma jakoj konkurenciji osvojili treće mjesto. Pojedinačno kod muškaraca prvo mjesto je osvojio takmičar SD Kinkinda Duško Petrov. Takmičari iz Moldavije Denis Popov i Andrei Alferin osvojili su drugo, odnosno treće mjesto. Kod žena u disciplini pištolj najbolja je bila aktualna prvakinja Evrope Anna Dulce iz Moldavije. Drugo mjesto pripalo je aktuelnoj vicešampionki Evrope Slovenki Manji Slak, a treće reprezentativki Crne Gore Neveni Šaranović. U ekipnom plasmanu slavila je reprezentacija Moldavije ispred reprezentacije Crne Gore.

Drugog dana takmičenja takmičari su se borili za simbolične nagrade u pojedinačnoj konkurenciji. Kod žena najuspješnija je bila Turkinja Elif Altun Berfin koja je sjajnim gađanjem u finalu pobijedila ispred takmičarki iz Slovenije Urške Hrašovec i Tjaše Kužnik. Kod muškaraca pobijedio je takmičar SK Geofon Matej Rašić, dok su drugo i treće mjesto osvojili Slovenci Maj Kadunc i Maksimilijan Žarić. U gađanju zračnim pištoljem za žene ponovno je najbolja bila Moldavka Anna Dulce. Drugo mjesto pripalo je Slovenki Manji Slak, a treće Neveni Šaranović iz Crne Gore. Kod muškaraca opet je vrlo siguran bio reprezentativac Srbije Duško Petrov koji je bio bolji od Nikole Jovičića SK Geofon i Željka Miličkovića iz Crne Gore. Takmičenje je otvorila zamjenica gradonačelnice Anja Margetić.

**MEĐUNARODNI PLIVAČKI MITING „SARAJEVU S LJUBAVLJU 2024“** Termin: 06.-07.04.2024. godine. Mjesto održavanja: Olimpijski bazen „Otoka“. Organizator: Plivački klub „Bosna“. Na ovogodišnjem 21. Međunarodnom plivačkom mitingu „Sarajevu s ljubavlju“ nastupilo je 399 plivačica i plivača iz 28 kluba, koji su došli iz šest zemalja. Najuspješnije plivačice po kategorijama bile su: Iman Avdić, apsolutna kategorija, PK Sport Time, Emina Čajić, do 16 godina, PK GKVS Sarajevo, Zerina Vrabac, do 14 godina, PK Sport Time, Katarina Đurašković do 12 godina, PK Budvanska rivijera Crna Gora i do 10 godina Klara Drlja PK Orka Mostar. Najuspješniji plivači po kategorijama bili su: Arijan Kadić, apsolutna kategorija, PK Sport Time, Arijan Kadić, do 18 godina, PK Sport Time, Martin Ćirković, do 16 godina, PK Dinamo Pančevo, Sami Burazerović, do 14 godina, PK Sharks Sarajevo i Mak Butmir do 12 godina, PK GKVS Sarajevo.

**MEĐUNARODNI MEMORIJALNI JUDO TURNIR „VINKO ŠAMARLIĆ“** Termin: 06.04.2024. godine. Mjesto održavanja: Sportska dvorana Goran Čengić. Organizator: Judo klub „Željezničar“. Na 32. Međunarodnom memorijalnom judo turniru „Vinko Šamarlić“ učestvovalo je više od 540 takmičara iz 41 kluba. Prvo mjesto ekipno osvojio je JK „Braća Lukač“ iz Sarajeva, drugo mjesto JK „Željezničar“ iz Sarajeva, a treće JK „Akademik“ iz Crne Gore. Proglašeni su i najbolji takmičari. U kategoriji U9M – Dani Pećar, JK Braća Lukač, U9W – Selma Njegović, JK Braća Lukač, U11M – Andrija Nikolić, JK Rožaje, U11W – Azra Kahriman, JK Željezničar, U13M – Stefan Šiljegović, JK Famos, U13W – Anja Vasiljević, JK Famos, U15M – Zoran Petković, JK Akademik U15W – Zorica Stanković, JK Akademik, U18M – Ramiz Pašić, JK Braća Lukač, U18W – Nataša Stanić, JK Akademik.

**MEĐUNARODNI ŠAHOVSKI FESTIVAL „SARAJEVO 2024“** Termin: 20.04.2024. godine. Mjesto održavanja: Dom oružanih snaga BiH. Organizator: Šahovski klub „Sarajevo“. Na turniru je učestvovalo 66 takmičara i takmičarki, od čega 3 velemajstora, 1 internacionalni majstor i 11 nosioca titule FIDE majstor. Pobjednik Festivala je velemajstor Emir Dizdarević, drugo mjesto pripalo je Rijadu Buroviću, oba iz Sarajeva, dok je treće pripalo Vladimiru Biliću iz Višegrada

### **SVEČANA SJEDNICA GRADSKOG VIJEĆA GRADA SARAJEVA**

U auli sarajevske Vijećnice održana je Svečana sjednica Gradskog vijeća povodom 6. aprila – Dana grada Sarajeva.

Gradonačelnica Benjamina Karić i predsjedavajući Gradskog vijeća Jasmin Ademović, u ulozi domaćina, uručili su najviše gradske nagrade i priznanja te prigodnim obraćanjem pozdravili goste Grada Sarajeva.

„Plaketa Grada Sarajeva“ uručena je sljedećim dobitnicima: Muhamed Žero, Eric Breton, Vesna Bajkuša, Hajriz Brčvak.

„Plaketa Grada Sarajeva“ pripala je posthumno prof. Ljubiši Zečeviću, a porodici će biti uručena naknadno.

Priznanje „Graham Bamford“ uručeno je Senidi Karović.

„Sarajevska Pahuljica“ uručena je sljedećim dobitnicima: Farah Ličina, Ada Korić, Dan Gračić.

„Šestoaprilska nagrada“ – pojedinačna – uručena je Branislavi Drženović Peruničić, a „Šestoaprilska kolektivna nagrada“ uručena je Udruženju „Renesansa“.

### **MEĐUNARODNA SARADNJA**

Programom međunarodne saradnje Grada Sarajeva za 2024. godinu predviđeno je obilježavanje 6. aprila – Dana grada Sarajeva, u prisustvu delegacija pobratimskih i prijateljskih gradova. Svečanoj sjednici Gradskog vijeća koja je održana povodom 6. aprila – Dana grada Sarajeva, prisustvovala su delegacije prijateljskih i pobratimskih gradova.

Čestitke Gradu Sarajevu povodom 6. aprila uputili su gradonačelnici Pule, Splita, Madrida, Innsbrucka, Dubrovnika, Ankare i Beča.

### **Prijem delegacije Grada Barcelona, 6. april 2024.**

Zamjenica gradonačelnice Anja Margetić Stakić održala je bilateralni sastanak s delegacijom Grada Barcelone predvođenim Xavierom Marceom, vijećnikom za turizam i kreativne industrije Grada Barcelone, koji su bili gosti Grada Sarajeva povodom 6. aprila – Dana grada Sarajeva.

Zamjenica Margetić Stakić uputila je dobrodošlicu delegaciji Grada Barcelone i izrazila zadovoljstvo i interes Grada Sarajeva za nastavak uspješne saradnje dva grada koja traje već 30 godina. Marce je predložio da se organizira razmjena umjetnika koji bi gostovali na nekom od događaja koje organizira Grad Sarajevo, odnosno Grad Barcelona.

Delegacija iz Barcelone izrazila je interes za gostovanje španskih/katalonskih umjetnika na Međunarodnom teatarskom festivalu MESS i zatražili su informacije vezano za uslove njihovog učešća na Festivalu. Također, bilo je riječi o učešću katalonskih/španskih filmskih umjetnika na Sarajevo film festivalu.

Delegacija Grada Barcelone upoznala je zamjenicu Margetić Stakić s nekim od najznačajnijih događaja iz oblasti kulture koji će se održati u Barceloni, kao što su Festival poezije, ljetni teatarski festival koji se održava svake godine u julu, te svjetski sastanak ministara za kulturu koji će UNESCO organizirati u oktobru 2025. godine. Također su naveli da će delegacija Univerziteta u Sarajevu i Kantona Sarajevo boraviti u službenoj posjeti Barceloni te predložili da se pridruže i predstavnici Grada Sarajeva. Zamjenica Margetić Stakić je predložila da vaterpolo tim iz Barcelone sudjeluje na turniru iz vaterpola koji će se održati u Sarajevu u septembru ove godine te da se organizira razmjena ženskih fudbalskih timova iz Sarajeva i Barcelone.